

Uunga Siunnersuut: Najukkat pillugit Inatsisartut inatsisaat nr. xx, xx. xxx**2018-imeersoq**

(Aatsitassanut, Suliffeqarnermut, Nunamut Namminermut, Nunanilu Avannarlerni Suleqatigiinnermut Naalakkersuisoq)

Saqqummiussissut

(Aatsitassanut, Suliffeqarnermut, Nunamut Namminermut, Nunanilu Avannarlerni Suleqatigiinnermut Naalakkersuisoq)

Siullermeeerneqarnera

Naalakkersuisut sinnerlugit matumuuna najukkat pillugit Inatsisartut inatsisissaattut siunnersuut saqqummiutissavara.

Matumani pineqarpoq siunnersuut, paasissutissanut tunngaviusunut pisussanut pilersaarutip ataani nalunaarsuiffimmik nutaamik pilersitsinissaq qulakkeerneqarnissaa. Najukkanut inatsimmi taamaalilluni siunertaavoq sumiiffit pillugit paasissutissanik nalunaarsukkanik assigissaarinissaq pitsaassuseqartitsinissarlu, najukkanut paasissutissat nalunaarsukkat tassunga ilanggullutik.

Paasissutissanut tunngaviusunut pisussanut pilersarummiiissapput nalunaarsuiffit assigiiungitsut arlallit, suliassaqarfiiit assigiiungitsut iluanni paasissutissanut tunngaviusunik imaqartut, tassunga assersuutigalugu ilaallutik inuit pillugit paasissutissat, suliffeqarfiiit pillugit paasissutissat, najukkat pillugit paasissutissat, nunaminertat pillugit paasissutissat illutillu pillugit paasissutissat.

Paasissutissanut tunngaviusuni assigiiungitsorpassuarni ilisarnaataavoq, paasissutissat nalunaarsugaanerat immikkoortortaqarfiiit pisortat namminersortullu akimorlugit allaffisornermi atoqqinneqartuaannartussaanerat. Paasissutissat nalunaarsukkat sorliit eqortuunersut nalornissutigineqarsinnaalluni nalunaarsuiffinnik assigiiungitsunik arlalinnik peqarnissamut taarsiullugu, paasissutissat sammineqartut ataasiakkaat paasissutissat tunngaviusussatut toqqrneqarnissaat naleqquppoq, taamaattumik taakkua sumiiffimmi ataasiinnarmi nutarterneqartassallutik, assigimmik piukkunnartumillu, paasissutissallu nalunaarsukkat nutajunerat tamatigut qulakkeerneqarsimasassalluni.

Paasissutissat tunngaviusut kommuninut, suliffeqarfinnut innuttaasunullu najugaqarfinnut, nunaminertanut, illutinullu paasissutissanut tunngasunik aallernissamut ajornannginnerulersitsissapput. Suliffeqarfiiup assersuutigalugu najukkanut nalunaarsuiffik immikkoortut allangutsaaliortussaallugu piffissamik isumalluutinillu atuissanngilaq, kisianni najukkanut nalunaarsuiffimmit pisortatigoortumik atorneqartussamit paasissutisanik aallinnaassalluni.

Najukkanut nalunaarsuiffik siunnersuutip atuutilernerani tamakkiisumik atorneqalissasoq naatsorsuutigineqarpoq. Nalunaarsuiffik naammassippat, Kalaallit Nunaat tamakkerlugu najukkanik nalunaarutiginninnernut kommunit akisussaasuuilissapput. Nalunaarsuiffiup pitsaasumik atorneqarsinnaanissaanut, najukkanut paassisutissat malitassat ataatsimoorussat malinneqarnissaat pisariaqartinneqartoq siunnersuummi takuneqarsinnaavoq. Kalaallit Nunaanni najukkat siumissami assersuutigalugu tassaasinnaassapput b-normorumik nalunaarsukkat, aqqusineqarsimannngippat imaluunniit illu normoqarsimannngippat.

Najukkanut najukkanullu nalunaarsuiffiit pillugit inatsisartunut siunnersuut peqatigitillugu Aatsitassanut, Suliffeqarnermut Nunamullu Namminermut Naalakkersuisoqarfimmik kísalu Digitalimik Sullissinermut Aqtsisoqarfimmik suliamut iltsersuut suliarineqarpoq, tassani nalunaarsuiffiup suliaqarnermi atorneqarnissaat nassuiardeqassalluni, taamaalilluni najukkat siunissami eqqortumik ikkunneqartassallutik allanngutsaaliorneqassallutillu.

Siunnersuummi siunertaavoq najukkanut nalunaarsuiffimmut sinaakkutissanik ersarissunik qulakkeerinissaq, taannalu aqqutigalugu Innuttaasunut pitsaasumik atornissaanik qulakkeerinissaq. Tamatumma saniatigut inatsisissat siunnersuummi siunertaavoq, najukkanut nalunaarsuiffiup pisortatigoortumik nalunaarsuiffiunissaata qulakkeerneqarnissaat, tassani pisortani oqartussat tamarmik tassanngaaniit paassisutissanik tigisisassallutik, taamaattumik kommunit, Naalakkersuisoqarfitt aqtsisoqarfilla sumiiffimmit ataatsimit paassisutissanik nalunaarsukanik assigiinnik tigusisasapput.

Paassisutissanut tunngaviusunut pisussanut pilersaarummi aqqutissat assigiimngitsut taakkua tamakkiisumik atuutsinnejalerpata, tamanna arlalinnik iluaqtissartaqassasoq Naalakkersuisut qularutigingilaat. Pingaartumik najukkanut nalunaarsuiffik nalunaarsuiffuvoq pingaaruteqartoq, tassami taanna inummut sumiiffimmut aalajangersimasumut atassusiisuuvooq. Taamaaliornikkut najukkanut nalunaarsuiffik, assersuutigalugu Kalaallit Nunaanni innuttaasut katitigaanerannut kisitsisitigut paassisutissanik suliaqarneq pillugu pitsaanerusunik uppermassuseqarmerusunillu naatsorsueqqissaarnissamut pisariaqarpoq.

Najukkanut nalunaarsuiffik kommunini, Namminersorlutik Oqartussani, suliffeqarfimnilu, najukkanut paassisutissanik pinngitsuuisinnaanngitsuni, sulisut suliaqarnerannut atugaannullu oqinnerujussuanngortitsissaq.

Naggataatigut inatsisissat siunnersuut nassuaatillu tassunga atasut Naalakkersuisut innersuusutigissaai.

Taamatut oqaaseqarlunga Naalakkersuisut sinnerlugit siunnersuut Inatsisartuni kajumittumik suliassanngortippara.